

**Talamdan sa
Mga Mensahe alang sa Full-time Training
sa Fall Term sa 2023**

**LINANGKOB NGA HISGOTANAN:
ANG MAHINUNG DANONG MGA PUNTO SA KAMATUORAN SA MGA SULAT NI PABLO—
UNANG CORINTO**

Mensahe 5

**Mga Piniyalan sa Mga Misteryo sa Dios alang sa Iglesia
isip Yutang Giugmad sa Dios ug Balay sa Dios**

Basahong Kasulatan: 1 Cor. 3:9-12a; 4:1-2; Isa. 22:15, 19-24; Bug. 3:7; Luc. 11:5-13

- I. Ang mga magtutuong gipanganak na pag-usab sa kinabuhi sa Dios diha ni Cristo, mao ang yutang gitikad sa Dios, ang umahan sa bag-ong kabuhatan sa Dios nga magpatubog Cristo aron magpalugwag hamiling materyales nga inugtukod sa Dios—1 Cor. 3:9-12a.**
- A. Ang sentrong hunahuna sa tibuok Kasulatan mao ang kinabuhi ug pagtukod—1 Ped. 1:23; 2:2-5:
1. Ang kinabuhi mao ang Tulo-usang Dios nga gipakalawas diha ni Cristo ug naamgohan ingon nga Espiritu nga nagpaambit sa Iyang Kaugalingon kanato aron mapahimuslan nato, ug ang pagtukod mao ang iglesia, ang Lawas ni Cristo, ang espirituhanong balay sa Dios, nga pag-dako ug paglapad sa Dios aron hiniusang magpadayag Niya—Gen. 2:8-9, 22; Mat. 16:18; Col. 2:19; Efe. 4:16.
 2. Si Cristo, nga binhi sa kinabuhi, mao ang gahom sa kinabuhi sa sulod nato nga naghatag nato sa tanang butang nga may kalabotan sa kinabuhi ug pagkadiosnon aron matukod ang iglesia isip ang dagayang sobra sa kinabuhi ug pagpadayag sa kinabuhi pinaagi sa pagtubo ug pag-ugmad niini—2 Ped. 1:3-4; itandi sa Buh. 3:15.
- B. Kay buhi man ang balay sa Dios, nagtubo kini; ang aktwal nga pagtukod sa iglesia nga balay sa Dios pinaagi man sa pagtubo sa mga magtutuo diha sa kinabuhi—Efe. 2:21:
1. Aron motubo diha sa kinabuhi alang sa pagtukod sa Dios, mahigugma gyod ta sa Ginoo, manimati sa atong espiritu, ug matukawon gyong magbantay sa atong kasingkasing aron magpabilin ta diha sa dalan sa kinabuhi—1 Ped. 1:8; 2:2, 5; 3:4, 15; Prov. 4:18-23; Deut. 10:12; Mar. 12:30.
 2. Kon buot ta nga dili maulang ang kinabuhi ni Cristo sa sulod nato, mosinati gyod ta sa pagdugmok sa krus, sa makapatayang kamatayon ni Cristo diha sa malangkobon-satanan nga Espiritu ni Cristo nga Espiritu sa himaya, aron mabatokan ug makuha ang mosunod nga mga kaulangan sa sulod nato—Exo. 30:22-25; Fil. 1:19; Sal. 139:23-24:
 - a. Nagpasabot ang pagka-Cristohanon nga wala tay laing tumong gawas ni Cristo; ang kaulangan niini kana mang dili makaila sa dalan sa kinabuhi ug wala maghimo ni Cristo nga kinabuhi nato—Mat. 7:13-14; Fil. 3:8-14; Col. 3:4; Rom. 8:28-29.
 - b. Ang ikaduhang kaulangan mao ang pagminaot; dili matino ang pagkaespirituhanon sa tawo sa makitang panagway niya kondili sa pagtagad niya ni Cristo—Mat. 6:1-6; 15:7-8; Juan 5:44; 12:42-43; itandi sa Jos. 7:21.
 - c. Ang ikatulong kaulangan mao ang pag-alsa; aktibo ug masiboton tingali kaayo ta sa pagbuhat og mga butang apan gibilanggo pa gihapon tingali nato ang buhing Cristo nga naa sa sulod nato ug wala mosugot Niya kay wala man nato Siya tagda—Lev. 14:9, 14-18; 11:1-2, 46-47; Rom. 16:17; 1 Cor. 15:33.
 - d. Ang ikaupat nga kaulangan mao ang natural nga mga kahimoan nato; kon dili giha-pon madugmok ang natural nga mga kahimoan nato, mahimo kining problema sa kinabuhi ni Cristo—2:14-15; 3:12, 16-17; Jud. 19; itandi sa Lev. 10:1-2.

- C. Aron motubo diha sa kinabuhi alang sa pagtukod sa Dios, magpatil-og gyod ta sa walay sam-bog nga gatas sa pulong sa Dios—1 Ped. 2:2.
 1. Sa pagkaon nato ni Cristo nga masustansyang gatas sa pulong, motubo ta hangtod hing-pit nga maluwas, mahamtong pinaagi sa pagkatransporma aron mahimaya; may kala-botan sa pagkatransporma alang sa pagtukod sa Dios ang kaluwasan sa 1 Pedro 2:2.
 2. Nagpahimulos ta sa “gatas-Cristo” nga magtil-og nato aron matransporma ta pinaagi Niya nga “bato-Cristo” ug matukod nga “Lawas-Cristo,” nga espirituhanong balay sa Dios ngadto sa balaang kahugpongan sa mga sacerdote—vv. 2-5; 1 Cor. 12:12-13.

II. Isip mga magtutuo ni Cristo, mga piniyalan gyod unta tang tanan sa mga misteryo sa Dios alang sa pagtukod sa Dios (4:1-2; Col. 2:2; Efe. 3:4) sa pagkausa kang Cristo isip Piniyalan sa balay sa Dios, nga gihulagwayan ni Eliakim (Isa. 22:20-24):

- A. Si Cristo kansang abaga maoy gibutangan sa yawe sa (tipiganan sa bahandi) sa balay sa Dios (nga gihulagwayan sa balay ni David aron matukod ang gingharian sa Dios)—vv. 15, 20-22; Bug. 3:7.
- B. Gipalagpot sa Dios si Shebna, ang piniyalan sa balay sa hari (Isa. 22:15), ug gipulihan siya ni Eliakim, nga usa ka hulagway ni Cristo (vv. 20-24; Bug. 3:7); nagpadayag kini nga gipapahawa sa Dios ang tanang naa sa krus, ug gipulihan Niya ang tanan ni Cristo:
 1. Sa pagbuhat sa Dios kanato, gisulohan ta Niya, ug sa pagbutang Niya kanato sa krus, gilansang ta sa krus uban ni Cristo, gipalagpot ta Niya—Gal. 2:20.
 2. Sa usa ka bahin, gipalagpot ta, ug sa laing bahin, wala ta hinginli; kay nianhi man si Cristo aron magkinabuhi sa sulod nato, uban nato, ug pinaagi nato—v. 20.
 3. Makita nato dinhi nga palagputon sa Dios ang tanang butang o tanang tawo nga dili Cristo; gipulihan na sa Dios ug Cristo ang tanang butang sa pamatigayon Niya sa Daang Tugon—Mar. 1:1-8; Mat. 17:3-5; Col. 2:16-17; Heb. 10:5-10; 11:5-6.
 4. Ang tinuod nga iglesiahonong kinabuhi, kinabuhi mang “gipalagpot” ang tanang balaan ug gipulihan ni Cristo; maghimo kini ni Cristo nga tanan diha sa iglesia—Col. 3:10-11.
- C. Naa ni Cristo ang yawe ni David sa pagkontrol sa pultahan sa tipiganan sa bahandi sa Dios, diin mapahimuslan nato ang mga kadato sa Dios diha ni Cristo; aron makapahimulos sa Iyang mga kadato, ipatumong gyod nato ang atong salabotan sa espiritu, mapadayonong nakig-kontak sa Ginoo segun sa pagbati sa kinabuhi, makabos sa espiritu ug maputli sa kasing-kasing—Bug. 3:7-8; Rom. 8:6; Mat. 5:3, 8.
- D. Aron makapahimulos sa Iyang kadato isip bahandi, kat-onan gyod nato ang paggamit sa mga sekreto sa pagdumili sa atong kaugalingon, pagpas-an sa krus, ug pagwala sa kinabuhi-sa-kalag; “mga Shebna,” tang tanan nga pahawaon ug pulihan ni Cristo aron mahimo Siyang tanan nato ug mobuhat sa tanan dinhi nato, pinaagi nato, ug alang nato—Isa. 22:15-19; Mat. 16:24-25.
- E. Si Cristo nga Espiritu maoy Piniyalan sa balay sa Dios nga nagpaambit sa Iyang Kaugalingon nganhi nato isip nagkadaiyang grasya aron mahimong matag-gutlo nga sangkap ug makanu-nayong pagpahimulos—Juan 1:16-17; 2 Cor. 12:9; 1 Ped. 4:10; Efe. 3:2.
- F. Moabli sa pultahan ang yawe ni David aron matransporma ta nga ma-puting bato ug matukod nganha sa balay sa Dios ingon nga haligi nga dunay ngalan sa Dios, ang ngalan sa Bag-ong Jerusalem, ug ang bag-ong ngalan sa Ginoo—Bug. 2:17; 3:12; itandi 21:22.

III. Aron mahimong tigpaambit nga mga piniyalan sa Dios alang sa iglesia nga balay sa Dios, mga tawo gyod ta sa pag-ampo, nga nag-ampo sa atong kaugalingon ngadto sa Dios:

- A. Ang pag-ampo pagkaamgo man nga balewala ta ug walay mahimo; ang pag-ampo maoy tinuod nga pagdumili ug pagsalikway sa atong kaugalingon aron magpahimulos ni Cristo nga tanan nato—Col. 4:2; Gal. 2:20; Fil. 3:3; 4:6-7, 11-13.
- B. Nagpasabot ang pag-ampo nga iampo nato ang atong kaugalingon ngadto sa Dios, ang pag-ampo sa atong kaugalingon ngadto sa Dios paghigugma man Kaniya sa pagpatumong gyod sa tibuok natong pagkatawo Kaniya segun sa sumbanan ni Maria sa paglingkod sa tiilan sa Ginoo ug pagpanimati sa Iyang pulong—Luc. 10:38-42:
 1. Sa kasinatian nato sagad nga masimang ta sa Dios; wala ta magpabilin Niya; mao nga iampo gyod nato ang atong kaugalingon ngadto sa Dios.

2. Kay dali ra man tang masimang sa Dios, mogugol gyod tag panahon matag buntag uban Niya, iampo ang atong kaugalingon ngadto Niya—Sal. 5:3; Isa. 50:4.
- C. Kon iampo nato ang atong kaugalingon ngadto sa Dios, madawat nato ang Iyang kadato (nga girepresnetahan sa mga tinapay, isda, ug itlog) nga mahimong sangkap nato—Luc. 11:5-13:
1. Nagrepresentar ang mga tinapay sa kadato sa yuta; ang isda, sa kadato sa dagat; ug ang mga itlog, sa kadato sa kahanginan ug sa yuta; ang Espiritu Santo maoy kinatibuk-an ning kadatoa.
 2. Sa ikaampo na nato ang atong kaugalingon ngadto sa Dios aron magpabilin diha Niya, madawat nato ang Espiritu Santo nga sangkap nato sa kinabuhi (nga gitiman-an sa mga tinapay, isda, ug itlog) aron makakaon ta ug ang tanang giatiman nato—itandi sa 6:45.
- D. Sa pag-ampo sa atong kaugalingon ngadto sa Dios ug sa pagpaubos nato atubangan Niya diha sa pag-ampo, magamhan ta diha ni Cristo nga magsalikway sa atong kaugalingon, mobiya sa tanang materyal nga katigayonan nato, ug mosunod sa Tawo-Manluluwas—18:18-30:
1. Dili gyod kini mahimo sa tawhanon natong kinabuhi, apan sa panahon sa Bag-ong Tugon makakontak ug makapakig-ambitay ngani ta sa Dios, mahimo na ang tanang imposible, ug makahimo na ta sa tanang dili unta nato mahimo—vv. 25-27; Fil. 4:11-13; Juan 15:5.
 2. Sa pag-ampo sa atong kaugalingon ngadto sa Dios, magamhan ta nga modaog sa maka-hubog nga epekto sa mapatuyangon-sa-kaugalingon nga pagkinabuhi ning panahona, ug magkinabuhi ta sa realidad sa pamatigayon sa Dios aron madato ngadto sa Dios alang sa iglesia nga balay sa Dios—Luc. 12:13-21; 2 Cor. 6:10.